

Хөөчин дун

Байн теегм уняртна,
Бахтдж седклм байсна,
Көөк ногъан канъкнна,
Күридж хөөдм идшлнэ.

Давтлгън:

Хөд! мини хөөдм...
Хотхр царнъгар бээрлич,
Таргълдж өөк бэрч,
Торгън ноосар кеерич.

Өндр толгъа кеддж
Өкэр ишкс наадна,
Теегин джиргъл дахдж
Тогляд хургъд көөлднэ.

Давтлгън.

Хувтэ джиргълтэ төрскэн
Хөөнэ махар пилгүлнэв,
Үнтэ торгън ноосарнь
Үүрмүдэн хувцлдж кеерүл-
нэв

Давтлгън.

Амтнд өгсн даалгъвриг
Арднь ордж күцэнэв.
Зун гучн хургъиг
Зун хөөнэс авнав.

Давтлгън.

БАДМИН Григорий.